

Փ Ա Ր Ա Մ Ա Ջ (ՄԱՏԹԵՈՍ ՍԱՐԳՍՅԱՆ)

Պատմ. գիտ. դոկտոր Զ. Մ. ՊՈՂՈՍՅԱՆ

XIX դարի վերջերի և XX դարի սկզբների հայ ազգային-ազատագրական շարժման ականավոր դեմքերից մեկը՝ նշանավոր հնչակյան Փարամազը, ծնվել է 1863 թ. Մեղրիում: Սկզբնական կրթությունը ստանում է ծննդավայրի տարրական դպրոցում, ապա 1878 թ. սեպտեմբերին ընդունվում է էջմիածնի Գեորգյան ճեմարանը, որտեղ ուսանում է մինչև 1883 թ. վերջը, երբ «ըստ որոշման ուսուցչական ժողովոյ արտաքսվեցավ յաշակերտութենն ի 29 դեկտ. 1883 ամին»¹:

Հայտնի է, որ 1870—1880-ական թթ. Ռուսաստանում ավելի աշխուժացան հեղափոխական տրամադրությունները, որոնք իրենց ոլորտի մեջ առան նաև Անդրկովկասի երիտասարդությունը: Հատկապես ուժեղացան ուսանողների և դպրոցների բարձր դասարանների աշակերտների հուզումները, որոնք տարածվեցին Թիֆլիսի, Գորիի, Բաքվի, Շուշու, Նրևանի և այլ վայրերի ուսանողների և աշակերտների, այդ թվում նաև 1874 թ. հիմնված էջմիածնի ճեմարանի սաների մեջ: Ճեմարանում առաջին հուզումները սկսվեցին 1878 թ. փետրվարին, որոնք պարբերաբար բռնկվեցին նաև 1879, 1880, 1881, 1882 և 1883 թթ.: Ուսանողները բողոքում էին իրենց ծանր վիճակի, ինչպես նաև վանքում և ճեմարանում գոյություն ունեցող հոռի բարքերի դեմ:

Հեռանալով էջմիածնից Փարամազը արդեն 1884 թ.² սկսում է դասեր տալ Հին Նախիջևանի հայկական դպրոցում, որտեղ և ծանոթանում է Ներսիսյան դպրոցի շրջանավարտ, ուսուցիչ Սապահ Գուլյանի (Ստեփան) հետ: Փարամազի այդ տարիների գործունեության մասին Ս. Գուլյանը հետագայում գրում է. «Քաղաքի երիտասարդությունը՝ ծածուկ ժողովներ կազմելով, ազահույթյամբ լսում էր նրա դասախոսությունները: Դասախոսը համակ բոց, կրակ էր, նա բոլորի սիրտը իր հետ ուներ»³:

Շատ շանցած Փարամազը Հին Նախիջևանից տեղափոխվում է Ջահուկ (Ճահուկ-Ջահրի) գյուղը, որի շրջապատում հայկական բնակչություն ունեցող շատ գյուղեր կային: Այստեղ նա սկսում է զբաղվել ուսուցչությամբ և մտադրվում փոխադրվել Արևմտյան Հայաստան և աշխատանք տանել թուրքական դաժան լծի տակ հեծող արևմտահայերի շրջանում: 1895 թ. նա Արդաբիլ (Արտավիլ-Էրտիպիլ) քաղաքում էր: Չնայած հայերը այդտեղ մի քանի հարյուր հոգի էին, սակայն ունեին եկեղեցի, ուսումնարան, գրադարան և թատերական մի փոքրիկ սրահ: Փարամազը Արդաբիլում մնացել է մեկ տարի, որից հետո 1896 թ. նա Սալմաստում էր, որտեղ XIX դարի 90-ական թթ. կար բավական խիտ հայ բնակչություն: Այդ թվերին Սալմաստը ուներ 24 գյուղ՝ 1531 տնտեսությամբ և 9172 հայ բնակիչ: Այդտեղ ժողովրդի հիմնական զբաղմունքը այգեգործությունը և զանազան արհեստներն էին: Մինչ Փարա-

¹ ՀՍՍՀ ՊԿԱ, ֆ. 312, ց. 1, դ. 122, թ. 78:

² Նույն տեղում:

³ Փ ա Ր ա մ ա զ. Զեռքերդ վեր կամ ճուղուպրիստները. Շիրակո, 1917, էջ 9—7:

⁴ «Արարատ», նոյ.—դեկտ., 1898, էջ 505:

մազի այնտեղ ժամանելը սալմաստցիների շրջանում հայրենասիրական և ազատագրական գաղափարներ էին քարոզել Ալեքսանդր (Վարդան) Գուրգյանը, Կարապետ Գուկասյանը, Մկրտիչ Ավետիսյանը (Թերլեմեզյան) և, վերջապես, Սալմաստը տվել էր այնպիսի մեծածանուն վիպասան, ինչպիսին էր Բաֆֆին:

1896 թ. նոյեմբերի 18-ին Սալմաստից դատերը՝ Իսկուհուն ուղարկած իր նկարի վրա Փարամազը գրել է. «Աղջիկս, Իսկուհի ջան, առ այս պատկերը, հիշիր հորդ և զնա նրա ճանապարհով, որը թեև փշոտ, բայց դեպի երջանկության ասպարեզն է տանում»⁵: Ժամանակակիցներից մեկը սալմաստահայության շրջանում Փարամազի տարած գործունեության մասին գրում է. «Առաջին անգամ էր, որ տեսնում էինք ընկեր Փարամազին, երիտասարդ, վառվռուն, զանգրահեր, ուներ երկար մազեր և սիրուն փոքրիկ մորուք, վերին աստիճանի համակրելի դեմքով ու արտահայտությամբ... խոսում ու պատմում էր շատ ու շատ դեպքերի ու պատահարների մասին... ու հենց առաջին անգամ էր, որ որոշ ու հասկանալի բառերով լսում էինք Քարրլ Մարքսի ու գիտական սոցիալիզմի մասին»⁶:

Որտեղից էր Փարամազը ծանոթացել գիտական սոցիալիզմի հիմնադիր Կարլ Մարքսի աշխատություններին: Հավանաբար Ա. Նազարբեկի թարգմանած և 1894 թ. «Գաղափարում» հրատարակած «Կոմունիստական կուսակցության մանիֆեստի» երկու գլուխներից և Գ. Վ. Պլեխանովի ռուսերեն թարգմանած Կ. Մարքսի աշխատություններից:

1896 թ. տեղի ունեցավ Վան քաղաքի բնակչության հերոսական ինքնապաշտպանությունը: Դրանից հետո Վանի հարյուրավոր երիտասարդներ բռնեցին Պարսկաստանի ճանապարհը և նահատակվեցին խնամորդի դաշտում, Գարահիսար լեռան մոտ և Չուխում: Նահատակվածների թվում էր նաև հրեշտակյան կուսակցության Վանի մասնաճյուղի ղեկավար Մարտիկ Սարուխանյանը: Նրան փոխարինելու նպատակով Փարամազը որոշեց իր խմբով անցնել Վան: 1897 թ. վերջին նա արդեն Վանում էր, որի բնակիչների վիճակը այդ ժամանակ սոսկալի էր, քանի որ թուրքական և քրդական ուժերի կազմակերպած կոտորածի պատճառով զոհվել էին հարյուրավոր երիտասարդներ, իսկ գավառներին շատ հայեր գաղթում էին: Հենց այս ծանր ժամանակ էր, որ 34 տարեկան Փարամազը իր մի քանի տասնյակ ընկերներով հասավ Վան: Թուրքական իշխանությունները տեղեկություն ստացան նրա խմբի ժամանման մասին: Սկսվեցին մասսայական խուզարկությունները: Ոստիկանությանը հաջողվեց ձերբակալել Փարամազին, Մելքոն Մանուկյանին, Վարդանին, Արշավիրին և ուրիշներին: Բանտ նետվեցին նաև քաղաքի մի քանի բնակիչներ, ինչպես նաև Երամյան վարժարանի սաներ Արմենակ Միրզախանյանը, Փանոս Մարությանը և ուսուցիչ Մկրտիչ Տեր-Բարսեղյանը: Բանտ նստածները մեղադրվում էին Թուրքիայի պատժական օրենսգրքի 45, 56, 58 և 62 հոդվածներով: Փարամազին և նրա ընկերներին ամիսներ շարունակ թուրքական ոստիկանները խոշտանգում էին: Վերջապես 1898 թ. սկսվեց նրանց դատավարությունը:

Փարամազը և նրա հետ դատարանի առջև կանգնածները համարձակորեն ասացին, որ իրենք դատարանին բացատրություն կտան այն ժամանակ միայն, երբ դատին ներկա գտնվեն օտարերկրյա պետությունների ներկայացուցիչները: Հպարտ ու խրոխտ կեցվածքով Փարամազը դատարանում հայտարարում է, որ օսմանյան Թուրքիայում արդարություն չկա, ապա սկսում է մերկացնել հպատակ ազգերի նկատմամբ թուրքական կառավարության վարած կեղծ ու դաժան քաղաքականությունը: Ըստ նրա, այդ բռնակալությունից

⁵ Ս ի ր վ ա ռ դ. Փարամազ (Մատթեոս Սարգսյան). կյանքն ու գործունեությունը. Փրավիտենս, 1954, էջ Ա:

⁶ Հուլյանյան Նվիրված սոցիալ-դեմոկրատ հնչակյան կուսակցության քառասունամյակին. Փարիզ, 1930, էջ 101—102:

⁷ Ա Ս Օ (Տ ի գ Ր ա ն Հ. Օ տ յ ա ն). Դատաստան. Կ. Պոլիս, 1909, էջ 25:

ծնվեց հնչակյան կուսակցությունը, որը ցանկանում է ազատագրել իր ժողովրդին: Դատարանում նա արտասանեց իր հայտնի ճառը, որի սկզբում, դիմելով դատարանի նախագահին, ասում է. «Դուք մեզ անվանում եք խոռվարարներ, սրիկաներ, ավազակ-կողոպտիչներ, որոնք վրդովում են ժողովրդի անդորրությունը, սակայն մենք այդպիսիներ չենք, քանի որ չենք շահագործում ժողովրդին»: Այս նա հայտարարում է, որ օսմանյան կառավարությունը մի քանի տասնյակ տարի առաջ ծանր վիճակի մեջ էր դրել բալկանյան ժողովուրդներին, առաջացնելով խժոժություններ, վայրենի գործողություններ, որոնք քստմանելի տպավորություն են գործել քիչ ու շատ զգալուն սրտերի վրա⁸: Այնուհետև Փարամազը սկսում է թվարկել այն սոսկալի փաստերը, որ կատարվել էին Արևմտյան Հայաստանում, որտեղ չորս տարվա ընթացքում կոտորվել էին 175 հազարից ավելի հայեր, կողոպտվել էր 80 հազարից ավելի ընտանիք, այրվել 2500 գյուղ: Միայն Վանի Ղալբ փաշան 200 հոգի անվի մարդիկ է սպանել: Արձակում թուրքական զինվորները եկեղեցում 450 հոգու ոչխարի պես մորթել են: Ալջավազում ցորենի հորերի մեջ կենդանի թաղել է 40 հոգու, իսկ Սասունի դահիճ Զեքի փաշան կենդանի թաղել է 600 հոգու: Ապականվել և այրվել են հայկական 570 եկեղեցիներ և 80 վանքեր, մոտ 300 եկեղեցիներ վերածվել են մզկիթի⁹:

Իր ճառում Փարամազը կանգ է առնում գյուղացիների ծանր տնտեսական վիճակի վրա, նշելով, որ գյուղացիներից երկու անգամ ավելի հարկեր են հավաքում, իսկ ինչ վերաբերում է բեղելին (զինվորագրության փոխարեն հարկը), ապա այն փոխանակ հավաքելու 21 տարին լրացածներից, հավաքվում է «ծծկերից, դեռ չծնվածից, նույնպես և մեռածներից»: Թուրքիայում ճնշված են ոչ միայն հպատակ ազգերը, այլև թուրքերը:

Փարամազի ճառում հետաքրքրական տվյալներ կան տուրքերի մասին: Իբրև օրինակ նա բերում է խաղողի տուրքը, որի ժամանակ հավաքում են վեց տուրք: Այսպես. «նախ հողի տուրք (ջրինն էլ ավելի), հետո խաղողի պտղի տուրք, մի տուրք ևս՝ խաղողի շիրա շինելու համար, մի տուրք խաղողի շանջի համար, դարձյալ մի տուրք օղի քաշելու համար, մի տուրք ևս օղին և գինին վաճառելու համար. դեռ չենք ասում մի տուրք ևս դրանով պարապողի աշխատանքի համար»¹⁰:

Թուրքիայում հարկերը հավաքում են ոստիկանները, որոնք տարիներ շարունակ չեն ստանում իրենց աշխատավարձը և առանց վախենալու բռնում են կաշառակերության, ժողովրդին կողոպտելու ուղին: Եվ ոստիկանի համար միևնույն է, թե կողոպտվողը լինելու է հայ, թուրք, քուրդ, ասորի և այլն: Շարունակելով իր խոսքը, Փարամազը ասում էր, որ խիստ ծանր է բանտարկյալների վիճակը, որոնցից խոշտանգումների և ծեծելու միջոցով թուրքական ոստիկանները կարողանում են կորզել իրենց ձեռնտու ցուցմունքները: Բերելով մի շարք օրինակներ այդ մասին նա եզրակացնում է, որ Թուրքիայում «օրենքը պաշտոնյաների կամայականությունն է», «արդարությունը ձեր տաճկական բառարանում նշանակում է կաշառք»¹¹:

Փարամազը հայտարարում է, որ հայերը ցանկանում են ստեղծել «ինքնավար Հայաստան մը», որտեղ «բնակվողները առանց ցեղի և դավանանքի խտրության, ապրին սիրով եղբայրաբար, ազատ քաղաքական և տնտեսական ճնշումներից»¹²: Ընդդիմելով նա ասում է, որ իրենք պահանջում են խղճի, մամուլի, ժողովների, խոսքի, «կյանքի, ինչքի ու պատվի ազատություն»: «Մեր պահանջներին վերջ չկա,— շարունակում է նա,— քանի որ կյանքի պահանջներին ևս վերջ չկա և որովհետև մեր պահանջները չեն կարող օսմանյան

⁸ Փարամազի ճառը. Իմ դատավարությունս Տաճկաստանում 1898 թվին. Շիրակո, 1919, էջ 11:

⁹ Նույն տեղում, էջ 17—19:

¹⁰ Նույն տեղում, էջ 20:

¹¹ Նույն տեղում, էջ 24:

¹² Ս ի ր վ ա ր դ. նշվ. աշխ., էջ 22:

պետության տակ ապահովվել, ուստի մենք հեղափոխականներս մարդկային ամենայն իրավունքով պահանջում ենք՝ Հայաստանի ազգաբնակչության բաժանումը օսմանյան պետությունից»¹³:

Փարամազը շեշտում է. իրենք թթու ազգայնամոլներ չեն, այլ անենգ ժողովրդասերներ և պահանջում են, որ Վայ, քուրդ, թուրք, արաբ, լազ, չերքեզ, ասորի, մինչև անգամ մուսուլման-գնչուն իր քվեով ընտրի իր կառավարիչը ու կառավարվի իրենց կարգված մարզերով ու օրենքներով, որը բարօրության հասնելու կարճ ճանապարհն է: Մենք պահանջում ենք Հայաստանը իր մեջ ապրող ամբողջ ազգաբնակչության համար»¹⁴: Վերջում նա, նայելով իրեն դատողներին, անվախ հայտարարում է՝ անմեղ ժողովրդի ջարդը կազմակերպեցիք դուք, Հայաստանի գետերը դեռևս կարմրած են հայ ժողովրդի արյունով:

Փարամազի դատավարությունը սկսվեց 1897 թ. նոյեմբերի 18-ին և վերջացավ 1898 թ. փետրվարին: Դատավարության ժամանակ արտասանած ճառը Բուրջական իրականության դեմ ուղղված մի պամֆլետ է:

Փարամազի ժամանակակիցներից մեկը վկայում է, որ նա առանձնակի խոսակցությունների ժամանակ շատ զվարթախոս էր, սակայն «նույնքան ալկրակ ու բոց կը դառնար, երբ հարցը գալիս ընկերային նյութերու, զարմանք պատճառելով այդ վտիտ մարմնին արտաբերող այդ ջղուտ եռանդին վրա»¹⁵:

Թուրքական դատարանի վճռով Փարամազը դատապարտվեց մահվան, 15-ական տարի ստացան երեանցի Արշակը, պարսկաստանցի Վարդան նազարբեկյանը, մշեցի Վարդանը, խլաթցի Ենգոն, կարճկանցի Գյուլջին, արձակցի Գևորգը: Դատավճռի ընթերցումից հետո Փարամազը իր վերջին խոսքում ասել է. «Կախաղան և շղթա, մահ և տանջանք... արհամարհում ենք մեր բոլոր էությունը, մեր կարողությունը: Ձեր կախաղանների սյուները՝ ազատության աշտարակներ են և նրանց շվաններից կախած ճոճուն մարմինները հավիտենական նախատինք ներկա կարգերի և նրանց հեղինակների համար»¹⁶:

Փարամազին կախելու մասին Վանի դատարանի վճիռը ի կատար չածվեց. դատից հետո Վանի ուսական փոխհյուպատոս Վլ. Մաևսկու պահանջով Փարամազը և նրա հետ դատվող ուսահպատակները ուղարկվում են Կովկաս և որոշ ժամանակ անց ազատվում կալանքից:

1903 թ. ցարական կառավարությունը իրականացրեց հայ եկեղեցական կալվածքների գրավումը: Յարի հրապարակած 1903 թ. հունիսի 12-ի օրենքի համաձայն բռնագրավվեցին եկեղեցական կալվածքները, փակվեցին հայկական դպրոցները, խոչընդոտներ հարուցվեցին հայ բարեգործական ընկերությունների դեմ և այլն: Բռնկվեց համաժողովրդական ցասում: Անդրկովկասի հայաբնակ վայրերում տեղի ունեցան միտինգներ ու ցույցեր, որոնց մասնակիցները պահանջում էին չհանձնել եկեղեցական գույքը և կալվածքները: Բայց ցարական կառավարությունը զենքի ուժով կարողացավ գործադրել այդ օրենքը:

Այդ օրերին Փարամազը, գտնվելով Բաքվում, կազմակերպեց մի պատգամավորություն, որի գլուխն անցած եկավ էջմիածին, հանդիպեց կաթողիկոս Մկրտիչ Խրիմյանի հետ և կարդաց այն պահանջագիրը, որը կազմել էր նա իր ընկերների հետ: Շատ չանցած Փարամազը և իր ընկերները մահափորձ են կազմակերպում Գոլիցինի դեմ, որի ժամանակ փոխարքան վիրավորվում է:

1905—1906 թթ. հայ-թաթարական ընդհարումների ժամանակ Փարամազը հանդես եկավ իբրև ազգերի համերաշխության կողմնակից: Նա իր ամբողջ էությունը դեմ էր այդ կոիվներին և անձամբ այցելում էր ռադրեքանցի պեկերու և գործիչներու գտնված շրջանները և կը համոզե, որ վերջ գրվի եղբայրասպան կոիվներուն»¹⁷: Հարևան ազգերի միջև եղած անմիտ ընդհա-

¹³ Փարամազի ճառը. էջ 29—30:

¹⁴ Նույն տեղում, էջ 30:

¹⁵ «Երիտասարդ Հայաստան», 14 մարտի 1961:

¹⁶ Ա Ս Օ. Նշվ. աշխ., էջ 43:

¹⁷ Փարամազ (1863—1915). Պեյրուֆ, 1968, էջ 1:

րումները նրա համար խորթ էին և նա ամեն գնով ցանկացել է վերջ տալ դրանց: Նրա այդ ջանքերի մասին կարդում ենք. «Զանգեզուրի շրջանի թաթար ժողովուրդը (1906) հազարավոր ստորագրություններով տասնյակ համախոսականներ, հարյուրավոր շնորհավորական նամակներ ունի թափած Ս. Դ. հնչակյան կուսակցության կենտրոնական վարչություն՝ Փարամազի կատարած գործերի, առաքինությունների համար»¹⁸:

Հնչակյան կուսակցության Բաքվի վարչության 1908 թ. դեկտեմբերի մի արձանագրությունից երևում է, որ Փարամազը եղել է այդ կուսակցության լիազոր ներկայացուցիչը Բաքվում, իսկ 1908 թ. դեկտեմբերից Կոստանդնուպոլիս մեկնելուց առաջ ընտրվել է կուսակցության վարչության նախագահ¹⁹:

1908 թ. Թուրքիայում սկսվեց հեղափոխությունը, որի հաղթանակից հետո երիտասարդ թուրքերը, իշխանության գլուխ անցնելով, ժողովրդին և հպատակ ազգերին մեծ խոստումներ տվեցին, սակայն դրանք չիրականացան: Թուրքական հեղափոխության հաղթանակից հետո Փարամազը շտապեց անցնել Կոստանդնուպոլիս, բայց լսելով կնոջ մահը մեկնեց հայրենի Մեղրի: Մի քանի ժամ տանը մնալուց հետո Փարամազը մեկընդմիջ թողնում է հայրենի Մեղրին, իր հարազատ տունն ու տեղը, որբացած երեխաներին և նորից մխրձվում պայքարի մեջ: 1909 թ. նա Կոստանդնուպոլսում էր, ուր թուրքական լրտեսները նրան «գալու օրից սկսում են հետապնդել քայլ առ քայլ»²⁰: Հուլիս ամսին Թուրքիայի մայրաքաղաքում տեղի ունեցավ հնչակյան կուսակցության վեցերորդ համաժողովը, որին մասնակցում էին 75 պատգամավորներ: Նրանց գլխավոր խնդիրն էր «ճշտել հնչակյան կուսակցության դիրքը հանդիպ օսմանյան պետության»²¹: Համաժողովի մասնակից Ս. Հովվյանը գրում է, որ հանդիպեց շատերին, որոնց թվում նաև Փարամազին, որի մասին ասում է, թե այնտեղ էր նաև «հնչակյան հնազույն, բյուրեղային մաքուր գործիչ Փարամազը»²²: Համաժողովում ընդունվեց որոշում այն մասին, որ Թուրքիայում կուսակցությունը պետք է գործի «օրինական (լեկալ) հողի վրա, ցորչափ արդի օրինական իրավունքները չեն խլվիր աշխատավոր ժողովրդին ձեռքեն»²³: Համաժողովում օրակարգի այդ հարցի կապակցությամբ մի կրակոտ ճառ է ասում նաև Փարամազը: Իր ելույթում Փարամազը պնդում էր, որ երիտթուրքերը ավելի վտանգավոր են քան Աբդուլ Համիդը: «Ընկերներ,— ասել է նա,— պետք չէ խաբվել ժեռն թուրքերու այսօրվան մեղրածորան խոսքերեն, խոսքեր՝ որոնք կըլլան հայ հեղափոխական կուսակցությունները քնացնելու և անոնց ուժը տկարացնելու համար»²⁴:

Համաժողովից հետո նա մեկնեց Ադաբազար: Այստեղ ունեցած իր բազմաթիվ հանդիպումների ժամանակ նա քարոզում էր նախահարձակ շինել, սակայն նախապատրաստվել սպասվող օրհասին և եթե պետք է՝ անցնել ինքնապաշտպանության:

Ադաբազարից հետո 1910 թ. նա Տիգրանակերտում էր, որի վիլայեթում, չնայած 1890-ականների կոտորածներին, ապրում էին ավելի քան 100 հազար հայեր: Ժամանակակիցներից մեկի վկայությամբ Փարամազը Տիգրանակերտում ունեցած իր ելույթների ժամանակ երիտթուրքերին համարում էր «հայոց դահիճ» և գտնում էր, որ նրանք մի օր հայերի ջարդ պիտի կազմակերպեն, ուստի ժողովրդին խորհուրդ էր տալիս՝ «արդ զինվեցեք և արթուն կացեք»²⁵:

¹⁸ Նույն տեղում:

¹⁹ ՄԼԻ արխիվ, ֆ. 4045, ց. 132, գ. 1, էջ 14—15:

²⁰ «Հայրենիք», Բոստոն, № 12 (287), դեկտեմբեր, 1949:

²¹ Հ մ ա յ ա կ Ա ր ա մ յ ա ն. Պատմություն հնչակյան կուսակցության. մասն Ա, Կ. Պոլիս, 1918, էջ 40:

²² ՄԼԻ արխիվ, ֆ. 4045, ց. 3, գ. 20—2, թ. 346:

²³ Հ. Ա ր ա մ յ ա ն. Նշվ. աշխ., էջ 42:

²⁴ Փ ա Ր ա մ ա զ, էջ 9:

²⁵ Քառասնամյակ (1903—1943) «Երիտասարդ Հայաստանի», Նյու Յորք, 1944, էջ 270: 280:

Փարամազն ունեւր այն կարծիքը, որ հայերը կարող են փրկվել միայն ինքնապաշտպանությամբ և պետք է պրպտել և գտնել ազատամիտ թուրքեր, միասնաբար հակազդելու ոճրալին իթթիհատին»²⁶։ Տիգրանակերտից ուղարկած իր նամակներից մեկում նա գրում էր, որ Սահմանադրութունը խաղաղութուն չէ, այլ «զինադար», և որ երիտթուրքերը որոշել են ենթակա ազգերից «որն է մեկից «արյան տուրք» պահանջել՝ կոտորել։ Վայրը, այս անգամ էլ, պետք է լինի Հայաստանը, ենթական՝ հայր»²⁷։

Այդ օրերին Տիգրանակերտում կազմակերպվեցին թատերական ներկայացումներ, բեմադրվեցին «Սանդուխտ կույս», «Անմահ ժիրայր» դրամաները և Փարամազի «Քամու բերածը քամին կը տանի» պիեսը։ Ժողովրդի հետ հանդիպումների ժամանակ նա նշում էր «ինքնապաշտպանության անհետաձգելի պահանջը», և քանի որ այդ ժամանակ երիտթուրքերը ցանկանում էին Տիգրանակերտում հայերի ջարդ կազմակերպել, նա ամեն ինչ արեց քաղաքի հայերի ինքնապաշտպանութունը կազմակերպելու կապակցությամբ. «Թշնամին, նշմարած ըլլալով հայոց կանխապատրաստութունը, բացարձակապես վախեցավ նախահարձակ ըլլալ և ետ կեցավ գազանային մտադրութենե»²⁸։

Տիգրանակերտից Փարամազը գնում է Սլիվան, Արդնմադեն, Մալաթիա, որտեղ ապրում էին մեծ թվով հայեր։ Մալաթիայում կարգացած դասախոսութունների մեջ ընդգծում էր, որ թուրքիայում պետք է ժողովուրդները բարեկամ լինեն, առանց որի «հնարավոր չէ ժողովուրդներու խաղաղութունը, հանգիստ կյանքը ապահովել»²⁹։

1904 թ. նոյեմբերի 2-ին Մալաթիայում գլխատվել էին երկու շապինգարահիսարցի հայեր՝ Հաբեթը և Հակոբը, որոնք մահից առաջ ասել էին. «Անմեղներ ենք։ Կը զոհվինք մեր ազգի սիրուն և տառապող մարդկության ազատագրության համար։ Մեր վրեժը ազատասերները թող առնին»³⁰։ Երկու այս նահատակների գերեզմանի մոտ հավաքված բազմության առաջ ունեցած իր ելույթում Փարամազը ասել է.

«Հոն, ուր կախաղաններն են ճոճում,
Ազատութունն է ման գալիս,
Հոն, ուր մեռելներն են ննջում՝
Հարութունն է մոտալուտ»³¹։

Մի ամիս Մալաթիայում մնալուց հետո նա գնում է Խարբերդ, որի 20 հազար բնակիչներից 10 հազարը և վիլայեթի բնակիչների 50 տոկոսը հայեր էին։ Այստեղ նա մի քանի դասախոսութուններ է կարդում, որոնց մեջ նորից առաջ է քաշում ազգերի իրավահավասարության հարցը։ 1912 թ. Փարամազը գտնվում էր Վանում, որտեղ նա մի քանի դասախոսութուն է կարդում ժողովրդի համար։ Այդ ժամանակ արդեն հրապարակի վրա էր դրված Հայկական հարցը։ Խոսքով թութունչլանի հուշերում նշված է, որ Փարամազը հոռետես էր «հայ բարենորոգումներու խնդրին վերապահված վախճանի մասին»։ Ըստ նրա այդ ազատ հոտը գայլին վստահիլ կնշանակե», ապա գտնում էր, որ պետք է միավորել հայկական բոլոր կուսակցութուններին, որոնց առաջնահերթ խնդիրը «հայկական գավառներու ժողովրդի պաշտպանութունն է»³²։

Երբ Փարամազը Վանում էր, Կոստանցա քաղաքում բացվեց հնչական կուսակցության 7-րդ համաժողովը։ Փարամազը համաժողովին ուղարկեց մի

²⁶ Ս ե դ ր ա կ Ե ա հ ն. Հուլիս և փոքր կյանքի ճանապարհին. հ. Ա, Լոս Անճելես, էջ 56—57։

²⁷ Քսան կախաղանները, կազմեց Երվանդ Զորոբյան. Կ. Պոլիս, 1921, էջ 42—43։

²⁸ Տիգրան Սկուլի. Ամիտայի արձագանքները. հ. Բ, Նյու Յորք, 1953, էջ 284։

²⁹ Ս ի Ր վ ա Ր դ. նշվ. աշխ., էջ 71։

³⁰ Նույն տեղում, էջ 77։

³¹ Նույն տեղում, էջ 76։

³² «Վարագ», Բեյրութ, № 62, հուլիս, 1963։

զեկուցագիր, որի մեջ խոսում էր հայ ժողովրդի ծանր դրության մասին: «Իմ այցելած գավառներում մեջ,—գրում էր նա,—իթթիհատի զուլումը չափ ու սահման չունի», սպա գտնում էր, որ երիտթուրքերի կառավարությունը «Հայաստանը հայ արյունով ողողելու է»³³: Հնչակյան 7-րդ համաժողովը Փարամազին ընտրեց վարչության անդամ և որոշեց «պաշտպանել Հայաստանի քաղաքական ինքնավարությունը՝ անջատ Թուրքիայից»³⁴:

Վանից Փարամազը անցնում է Կոստանցա, ապա՝ Եգիպտոս: Եգիպտոսում նրա անցկացրած կյանքի մասին Ս. Գուլյանը գրում է, որ նրա ջանքերով աշխուժություն մտավ «Ժողովրդական լայն խավերում և մանավանդ աշխատավոր ու երիտասարդական շրջաններում մեջ»³⁵:

1914 թ. մայիսի մեկին «Հնչակում» լույս տեսավ Փարամազի վերջին հոգվածը «Հայի պահանջը» վերնագրով: Հոգվածում նշվում էր, որ հեղափոխությունից հետո հայերը այն կարծիքին էին, թե կստեղծվեն իրենց համար փոքր ի շատե տանելի պայմաններ, սակայն նրանք շատ շուտով հիասթափվեցին: Հայ հայդուկը, լսելով ընդունված սահմանադրության մասին, իջավ լեռներից, զենքը դեն նետեց և ապա «մշակույթի գործիքներն առավ իր քանդված տունը, իր անթեղված օջախը վերաշինելու, կյանքի հրճվանքը ճաշակելու»³⁶: Հայը շատ շուտով համոզվեց, որ բռնապետական ժամանակաշրջանի հետ համեմատած շատ բան չի փոխվել և երիտթուրքերի տիրապետությունը հանդիսանում է «շարունակությունը, ճիշտ հար և նմանը նախկինի, իր դարավոր վշտերի, իր հոգու փլուզումների, իր ավեր ու կոտորածի»: Հոգվածի հեղինակը գտնում է, որ հայը սխալվեց և այն էլ «պատմական անօրինակելի սխալով սխալվեց, սխալվեց հայ ֆետային, երբ ոգևորության ազդեցության տակ կարողացավ ինքն իրեն հավատացնել, թե օսմանյան տիրապետության տակ, տիրապետություն տարված նեղցած ու գծուծ շովինիզմով և իսլամական անհամբերատար աշխարհայացքով, կարող է պաշտպանվել բաղկացուցիչ ազգերի շահը՝ տնտեսական, հոգեկան, մտավոր»³⁷: Փարամազը գտնում էր, որ հեղափոխությունից հետո կազմակերպված կոտորածները էնվերի, Թալեաթի և այլոց գործերն են:

Քննադատելով երիտթուրքերի ընդունած սահմանադրությունը, նա գտնում է, որ այն պայմաններ չստեղծեց, որպեսզի երկրում ապրող ժողովուրդը ննարավորություն ունենա «իր պատվի, իր մալ ու մյուսքի տերը դառնալու, իր հանդի մեջ ու ծածկի տակ ապահովություն տեսնելու, իր հոգեկան վայելքները ճաշակելու»³⁸: Հայաստանի բարենորոգումների մասին ասվածները զավեշտ են, քանի որ այն օրերին, երբ ծրագիրը քննարկման էր դրված, «օրենքը խլում էր հայի հողը, հայի աղջիկը, հայ ազգության ստորոգելիները՝ դպրոց, եկեղեցի, մամուլ, այն էլ այսօր, այն էլ հենց այսօր, երբ արտաքին ճնշումների տակ ստիպված ստորագրում է հայի բարենորոգումները»: Այսպիսով, հայը օսմանյան հեղափոխությունից ոչինչ չստացավ և «Հայկական հարցը մնում է հարց, քանի որ նա՝ հայը, դուրս չեկավ «Ռայայի» ամոթապարտ կացությունից»³⁹: Հոգվածի երկրորդ մասը կոչվում է «Հայը մեռնում է կաթիլ-կաթիլ», սակայն ի՞նչ անել, որ նա չմեռնի. Փարամազը այդ կապակցությամբ գրում է. «Փոխանակ կաթիլ-կաթիլ մեռնելու և անէանալու, հայը մի անգամ էլ պիտի մեռնի, որ հայը ապրի» և եթե նրա վրա հարձակվեն սպանելու համար, հայը պետք է դիմի ինքնապաշտպանության, քանի որ «ինքնապաշտպանության խնդիր կա դրված մեր առջև, մեր լինել-չլինելու խնդիրը»⁴⁰:

33 Ս ի ր վ ա ր դ. Նշվ. աշխ., էջ 84:

34 Քսան կախազանները, էջ 15:

35 «Արարատ», Բեյրութ, 28 հուլիսի 1960:

36 «Հնչակ», № 1, մայիս, 1914, էջ 8—10:

37 Նույն տեղում:

38 Նույն տեղում:

39 Նույն տեղում:

40 Նույն տեղում:

1914 թ. հուլիսի 16-ին Կոստանդնուպոլսում սկսվեցին հնչակյանների բանտարկությունները: Ձերբակալվածների թիվը սկզբում հասնում էր 120 հոգու, որոնց մեջ էին Փարամազը, Լազոն, Արծրունին, Հ. Ճահանկույանը, Վ. Զեյթունցյանը, դոկտ. Պենեն (Պետրոս Թորոսյան), Ռ. Կարապետյանը և շատ ուրիշներ: Խուզարկությունների ժամանակ Փարամազի և Ռ. Կարապետյանի մոտ գտնվեցին Կ. Պոլսում և գավառներում բնակվող բազմաթիվ անձանց հասցեները: Գտնվեցին նաև մեծ քանակությամբ շրջաբերականներ, հին ծրագրեր, նամակներ, Կոստանցայի ժողովի որոշումները: Ձերբակալությունների հետ միասին փակվեց հնչակյանների «Կայծ» թերթը: Այդ օրերի մասին ժամանակակիցներից մեկը հետագայում գրում է, որ «Փարամազ ձերբակալվել է տունեն դուրս ելած ատեն. Սաքոն ճաշարանին դռան առջև Տոբո. Պենենին տուն խուզարկել և կարգ մը թուղթեր գտել ու տարել են»⁴¹:

Ձերբակալվածները մեղադրվում էին նրանում, որ կապված են երիտթուրքերի վարած քաղաքականությունից դժգոհ, Փարիզ փախած Շերիֆ փաշայի հետ և նպատակ ունեն տապալել երիտթուրքերի կառավարությունը ու այնտեղ էլ ազատ Հայաստան ստեղծել: Շատ շանցած բանտարկվածների մի մասը ազատվեց «ազդեցիկ միջնորդությանց, կաշառքի միջոցով»⁴², իսկ մնացածները կանգնեցին թուրքական դատարանի առաջ:

«Մշակում» 1914 թ. օգոստոսին տպագրված մի հաղորդման համաձայն քննությունները անձամբ վարում էին Թուրքիայի ներքին գործոց մինիստր Թալեաթը և մայրաքաղաքի ոստիկանապետ Բեդրին⁴³: Փարամազին և իր ընկերներին դատում էր պատերազմական ատյանը, հնարելով սուտ մեղադրանք նաև այն մասին, որ նրանք նպատակադրվել էին ահաբեկումների միջոցով շարքից հանել երիտթուրքերի ղեկավարներից ոմանց և այդ նպատակով Կովկասից և Եգիպտոսից մարդիկ էին ժամանել Կոստանդնուպոլիս, «իսկ Փարամազն էլ եկած է եղել գործը ղեկավարելու»⁴⁴:

Շուտով սկսվեցին պատերազմական գործողությունները Ռուսաստանի դեմ և երիտթուրքերի պատերազմական ատյանը դատավարությունը տարավ այնպես, ինչպես ինքն էր ցանկանում: Բանտում եղած ժամանակ ընկերներից մեկը Փարամազին հարցնում է, թե երիտթուրքերի հալածանքները ուղղված են միայն հնչակյանների, թե հայ ժողովրդի դեմ, նա պատասխանում է. «Իթ-թիհատի ոխերիմ քաղաքականությունը նախ մեզմով պիտի սկսի, քանզի անոնց գործելակերպը քննադատելով բողոքեցինք և չդաշնակցեցանք: Բանտերը, աքսորները, կախաղանները ասկե վերջ պիտի հրճվին... Հայը իր Գողգոթան պիտի բարձրանա, արյուն ու սուգի շարագուշակ հոտեր կուգան...»⁴⁵:

Բանտում գտնվող բանտարկյալների շորերը լվանում էին երկու հայ քույրեր. Փարամազը, օգտվելով առիթից, նրանցից մեկին է հանձնում իր թաշկինակը, խնդրում է, որ առանց լվանալու հանձնել պատրիարքին: Անվախ ու կրակոտ հայրենասերը գիտեր, որ շուտով զրկվելու է կյանքից և առանց վախենալու պատրիարքին ուղարկված իր թաշկինակի վրա գրել էր. «Սթափեցե՛ք: Դիմեցե՛ք ինքնապաշտպանության: Ջարդը ման է գալիս հայերի գլխին...»⁴⁶:

Պատերազմական ատյանի առջև կանգնած Փարամազը հայտարարում է, թե «Թալաթն է, որ դուրսեն կը ղեկավարե Վյա ատյանը»⁴⁷: Ամիսներ տևող դատական պրոցեսից հետո ատյանը 20 հոգու մահվան դատապարտեց: Շատ շանցած սուլթանը վավերացրեց այդ վճիռը և սուլթան Բալադետի հրապարակում 1915 թ. հունիսի 2-ին, երբ արդեն երիտթուրքերը ամիսներ առաջ սկսել

41 «Երիտասարդ Հայաստան», 12 օգոստոսի 1960:

42 Հ. Մ. Պ. ա. յ. ն. Նշվ. աշխ., էջ 61:

43 «Մշակ», 1 օգոստոսի 1914:

44 «Հայրենիք», № 12 (287), դեկտեմբեր, 1949:

45 «Արձագանք Փարիզի», № 21, 10 փետրվարի 1917:

46 «Երիտասարդ Հայաստան», 16 հունիսի 1959:

47 Ս. ի. Վ. Պ. Պ. Նշվ. աշխ., էջ 99:

էին արևմտահայերի տեղահանությունն ու ջարդը, դատավճիռը ի կատար ածվեց:

Դատավարության վերջին նիստին Փարամազը, դիմելով նախագահողին, հպարտ ու անվախ ասել է. «Դուք քաջալերեցիք ոճիրն ու հարստահարությունը և լռեցնել ջանացիք բողոքի մեն մի արտահայտություն: Դուք մեր կենսական հյուսիսը ապրեցաք դարեր շարունակ և երբեք չուզեցիք, որ այդ հյուսիս աղբյուրը իրավունք ունենա կանգուն մնալու և արտադրելու: Դուք ճնշեցիք մեղձ կամազուրկ ըստ էինք ու ողբալի համբերատարությամբ կը հանդուրժեինք ամեն և տորացման: Դուք հաբեկեցիք մեզ, երբ օր մը ուզեցինք թերմաշ գոյություն մը տարրերը խնդրել մեր իշխանավորներեն... Դուք մեզ ջարդել սկսաք, երբ օրին մեկը վճռեցինք մեր արժանապատվության համապատասխան դիրքի վրա բարձրանալ: Դուք մեզ օրենքի պաշտպանությունեն դուրս ձգեցիք, երբ իթթիհատյան պողատ սահմանադրության արտոնած իրավունքներեն օգտվել ուզեցինք»⁴⁸:

Կախվելուց առաջ Փարամազը անվախ հայտարարել է. «Դուք մեր մարմինը միայն կրնաք սպանել, բայց մեր գաղափարները՝ սոցիալիզմը՝ ոչ»⁴⁹: Քսան կախվածների դատավճիռը իրագործելու ժամանակ հայերից միակ ակա՛նատեսը քահանա Գալուստ Պողոսյանն էր, որը վկայում է, որ նրանց մեծ մասը «անվհեր կերպով կը դիմագրավեին մահվան և կարհամարհին զայն»: Այնուհետև բոլորը միաբերան բացականչեցին «Կեցցե՛ Հայաստան, կեցցե՛ Հայաստան», իսկ դոկտոր Պեննեն գոռաց. «Մեզ, քսանս կը կախեք, բայց քսան հազարներ պիտի հետևին մեզի»⁵⁰:

Փարամազի և նրա 20 ընկերների մասին գրվեցին շատ բանաստեղծություններ, սակայն նրանցից լավերից մեկը պատկանում է Վահան Թեքեյանի գրչին, որտեղ ասված է.

...Բայց և ինչպես, ամենքդ ալ վեռչին
պահուն ձեր դիմաց
Նրազային, շատ պայծառ, ուրիշ արև մը
տեսաք,
Ու ճոճեցաք օդին մեջ՝ զայն խմելն վերջ
ցըհազ...⁵¹

Փարամազի գրչին են պատկանում մամուլում լույս տեսած մի շարք հոդվածներ և երեք պիես: Փարամազը, սկսած 1910 թ., «Արևելք» լրագրում «Հայր Սիվա» կեղծանունով մի շարք հոդվածներ տպեց: Նա հոդվածներով հանդես է եկել նաև «Հնչակ», «Արևելք», «Կայծ», «Վան Տոսպ» և այլ թերթերում:

1913 թ. Վանում եղած ժամանակ Փարամազը «Վան Տոսպի» երկու համարներում հայկական տառերի 1500 ամյակի կապակցությամբ տպագրեց իր «Տառերի գյուտի ազդակները (համառոտ ակնարկ)» հոդվածը: Պիեսները հրատարակվեցին նրա մահից մի քանի տարի անց, Ամերիկայում⁵²: Նրանցից մեկը «Պաքոն» է, որի մեջ տրված է արևելյան բռնակալ Սելիմի կյանքը (նկատի ունի Աթուլ Համիդին), որը ամբողջ երկիրը իրեն ենթարկելով, այն համարում է աստծու կողմից իրեն տրված սեփականություն և ապրում է շքեղության մեջ: Պիեսի գլխավոր հերոսը՝ Պաքոն, աղքատ է, ապրում է մի

48 Հ. Արամյան. Նշվ. աշխ., մաս Գ, Կ. Պոլիս, 1919, էջ 40:

49 Փարամազ, էջ 4:

50 Հարգանք սոցիալ-դեմոկրատ հնչակյան քսան անմահներուն. Պեյրուիթ, 1957, էջ 22—23:

51 «Արարատ», 17 հունիսի 1962:

52 Պաքո, դրեք Փարամազ. Շիքակո, 1919: Փամու բերածը քամին կը տանե, երգախառն իթատերագրություն երեք արարվածով, դրեք՝ Փարամազ. Շիքակո, 1919: Փարամազ. Ձեռքերը վեր կամ ճուղուպրիստները, թատերագրություն երեք գործողությամբ իրական կյանքից (գեպը տեղի է ունենում 1907 թ. Բաքվում). Շիքակո, 1917:

ողորմելի խրճիթում, նրա կինը՝ Բասուն, ճախարակ մանկով երգում է Ղ. Աղա-
յանի «Մանիր, մանիր իմ ճախարակ» երգը: Երեխաները սոված են, հաց են
խնդրում, օրորոցի մանուկը՝ կաթ և քանի որ մայրը նույնպես չի սնվել՝ կաթ
չկա: Քրդական հրոսակները տարել են աղքատ Պաքոյի անասունները, իսկ
վաշխառուն և հարկահավաքը՝ նրա կալի բերքը:

Իր այդ պիեսում Փարամազը հասարակ, աղքատ մարդկանց կոչ է անում
կովի ելնել բռնության դեմ և եթե հարկ է՝ ընկնել այդ կովում, որպեսզի
մյուսները ապրեն: Նա գտնում է, որ համբերելով ժողովուրդը դաժան ու
բռնակալ Սելիմից ոչինչ չի ստանա:

«Քամու բերածը քամին կը տան» պիեսը առաջին անգամ բեմադրվեց
Տիգրանակերտում: Պիեսում իրար կողքի հանդես են գալիս ուսումնասիրող,
տեղացի և վաշխառուն: Վերջինս անընդհատ ձգտում է սեփականացնել ժո-
ղովրդի ունեցվածքը և նրա հաշվին ուռճանալ: Այդ կարգի մարդ է Մարտիկ
աղան, որը դեմ է ժողովրդին լուսավորելու գործին, գտնում է, որ նրան կըր-
թեն անհնարին է, քանի որ «ժողովուրդը գուժեճ մուժեճ չի կրնար հասկնալ»:
Սակայն այդ կարծիքին չեն աղայի տղան՝ Տիգրանը և աղջիկը՝ Արուսյակը,
որոնք ջանք չեն խնայում ժողովրդին կրթելու համար: Տիգրանը համոզված
է, որ կյանքի վատ պայմանները հնարավոր է փոխել ժողովրդին կրթությամբ
տալու միջոցով. այդ կարծիքին են նաև Թովմաս աղայի կինը. նրանք գտնում
են, որ «մեր ժողովուրդը, մեր ազգը եթե կուզե ապրիլ, հրճվիլ և ոչ թե լալ-
կան կնոջ նման լալ, պետք ունի լավ, նորատիպ և կյանքի գոյություն համար
կովի զենքերու. իսկ այդ դարբնոցը, ուր այդ զենքերը պիտի կովին, կոփվին,
միայն ու միայն լավ, կանոնավոր և օրինակելի դպրոցն է: Երկրի վրա եղած
դարմանը երկնքի մեջ փնտրելը փրկստփայական չէ, և ոչ էլ օրինազանցա-
կան»⁵³:

Հետաքրքրական է այս պիեսում վաշխառու Կարապետ աղայի և նրանից
տոկոսով փող խնդրող երեք գյուղացիների խոսակցությունը: Աղան գտնում
է, որ իրեն հիշում են միայն պարտք խնդրելիս: Գյուղացիները, սակայն,
թվում են, թե քանի անգամ են նրան ձրի մթերքներ բերել: Կարապետ աղայի
կինը՝ Պայծառը նույնպես տոկոսով դրամ է տալիս կանանցից՝ շատերին:
Պիեսի մեջ երգում են Ավ. Իսահակյանի «Ա՛խ մեր սիրտը լիքը՝ դարդ, ցավ»
և այլ երգեր, ապա «Ալ ալուխս» ժողովրդական երգը:

Երրորդ պիեսը՝ «Զեռքերդ վեր կամ ճուղուպրիստները», բաղկացած է
երեք գործողությունից: Պիեսում ներկայացված են անիշխանականը, սոցիալ-
դեմոկրատը և սոցիալ-հեղափոխականը: Պիեսի գործող անձերից է դրամի
ուժով ուռճացած Ավետիք Օսիպովը, որի կողքին կանգնած է գործազուրկ
մարդը և մտածում է, թե ինչպես պահի ընտանիքը: Օսիպովի ընտանիքը շատ
դրամ ունի և զեղի կյանք է վարում: Օսիպովը չի ցանկանում օգնել հայ
դպրոցին, գտնելով, որ ինքն է դրամը վաստակել և չի կարող տալ «խալխի
լակոտների համար»: Հեղինակը խիստ ծաղրի է ենթարկում հայ բուրժուա-
կան ընտանիքը՝ իր ամբողջ էությունը: Պիեսն առաջին անգամ բեմադրվեց
Տիգրանակերտում և ապա 1913 թ. երկու անգամ վանում:

Փարամազը հանդիսանում է XIX դարի վերջին քառորդի և XX դարի
սկզբի հայ ազգային ազատագրական շարժման կարկառուն գործիչներից մե-
կը, որը տասնամյակներ շարունակ թողնեց տունը, ընտանիքը և իր ժողովրդի
համար շխնայեց իր կյանքը, անգամ կախաղան բարձրանալու ժամանակ
մնաց անվեհեր և անընկճելի:

53 Քամու բերածը քամին կտանի... էջ 14—15

ПАРАМАЗ (МАТТЕОС САРКИСЯН)

Доктор ист. наук А. М. ПОГОСЯН

Резюме

Один из выдающихся деятелей армянского национально-освободительного движения, известный революционер, гпчакист Маттеос Саркисян (1863--1915) родился в селе Мегри, получил там начальное образование, затем учился в Эчмнадзинской семинарии, из которой был отчислен в конце 1883 г. Долгие годы был учителем в армянских школах. Вел активную пропаганду за освобождение армян Западной Армении от турецкого ига. В 1897 г. Парамаз со своей группой патриотов-добровольцев находился в г. Ване, где и был арестован. Известна его боевая речь в суде, в которой он ярко и аргументированно показал тяжелое положение народов Турции. Суд приговорил его к смертной казни. Однако, при содействии русского вице-консула, как русско-подданный он был отправлен на Кавказ. После революции 1908 г. Парамаз был в разных городах и селах Турции, ознакомился с положением армян и политикой младотурок. В своих речах и статьях он разоблачал младотурок, которые подготавливали геноцид западных армян. В 1914 г. он и его ближайшие товарищи были арестованы и в 1915 г. повешены в Стамбуле.